

唐  
音  
統  
籤

戊籤餘十五李建勳之二

唐音統籤卷

七百六十四

七言律詩

和元宗元日大雪登樓

紛紛忽降當元會著物輕明似月華  
狂洒玉墀初散絮密粘宮樹未妨花  
迥封雙闕千尋峭冷壓南山萬仞  
斜寧意傳來中使出御題先賜老僧家

宮詞

自遠凝旒守上陽舞衣頓減舊朝香  
簾垂粉閣春將盡門掩梨花日漸長  
草色深濃封輦路水聲低咽轉宮牆  
君王一去不迴駕皓齒青蛾空斷腸

離闕下日感恩

二年塵鬢處中台喜得南歸退不才卽路敢期皇  
子送山關猶有御書來未知天地恩何報翻對江  
山思莫開斜日葦汀凝立處遠波微颺翠如苔

閒出書懷

閒遊何用問東西寓興皆非有所期斷酒只携僧  
共去看山從聽馬行遲溪田雨漲禾生耳原野鶯  
啼黍熟時應有交親長笑我獨輕人事鬢將衰

樽前

官爲將相復何求世路多端早合休漸老更知春

可惜正歡唯怕客難留  
雨催草色還依舊晴  
花枝始自由莫厭百壺關  
閒愁

春日樽前示從事

州中案牘魚鱗密  
界上軍書竹節稠  
眼底好花渾似雪  
甕頭春酒浸如油  
東君不爲留  
遲日清鏡唯知促  
白頭最覺此春無  
氣味不如庭草解忘憂

醉中惜花更書與諸從事

公退尋芳已是遲  
莫因他事更來稀  
未經旬日唯憂落  
筭有開時不合歸  
歌檻宴餘風裊裊  
閒園吟散雨霏霏  
高樓鼓絕重門閉  
長爲拋迴恨解衣

登昇元閣

登高始覺太虛寬  
白雪須知唱和難  
雲度瑣窓金勝濕  
月移珠箔水精寒  
九天星象簾前見  
六代城池直下觀  
唯有上層人未到  
金烏飛過拂闌干

遊棲霞寺

養花天氣近平分  
瘦馬來敲白下門  
曉色未開山意遠  
春容猶淡月華昏  
琅玕冷落存遺跡  
籬落稀疎帶舊村  
此地幾經人聚散  
只今王謝獨名存

道林寺

雖向鍾峰數寺連  
就中奇勝出其間  
不教幽樹妨

閒地別着高窓向遠山  
蓮沼水從雙澗入客堂  
僧自九華還無因得結  
香燈社空向王門玷玉  
班

題魏壇二首

不遇至真傳道要曾看  
真誥亦何爲舊碑經亂  
沉荒澗靈篆因耕出故  
基蛙螟自喧臨藥井牛  
羊閒過放生池蕭條此  
夕空壇畔朽檜枝斜綠  
蔓垂一尋遺跡到仙鄉  
雲鶴沉沉思渺茫丹井  
歲深生草木芝田春廢  
臥牛羊雨淋殘畫摧荒  
壁鼠引飢虵落壞椽薄  
暮欲歸仍佇立菖蒲風  
起水泱泱

和判官喜雨

去禱山川尚未還雲雷尋作遠聲寒人情便似秋  
登悅天色長勞夜起看高檻氣濃藏柳郭小庭流  
擁沒花壇須知太守重墻內心極農夫望處歡

春雨二首

春霖未免妨遊賞唯到詩家自有情花遲不通長  
日合蘭舟初動曲池平淨綠高樹莓苔色飢啁虛  
廊燕雀聲閒憶昔年爲客處悶留山館阻行行  
蕭蕭春雨密還踈景象三時固不如寒入遠林鶯  
翅重煖抽新麥土膏虛細濛臺榭微兼日潛漲漣  
漪欲動魚唯稱乖慵多睡者掩門中酒覽閒書

雪有作

霏霏奕奕滿寒空况是難逢值臘中未白已堪張  
宴會漸繁偏好去簾櫳庭莎易集看盈地池柳難  
裝旋逐風長愛清華入詩句預愁遲日放消融

東樓看雪

一上高樓醉復醒日西江雪更冥冥化風吹火全  
無氣平望惟松劣露青臘內不妨南地少夜長應  
得小窓聽因思舊隱匡廬日閒看杉檉掩石扃

春雪

隨風竟日勢漫漫特地繁於故歲看幽榭凍粘花



屋重短簷斜濕燕巢寒閒聽不寐詩寬爽淨喫無  
厭酒肺乾莫道便爲桑麥藥亦勝焦涸到春殘

重戲和春雪寄沈員外

誰道江南要雪難半春猶得倚樓看却遮遲日偷  
鶯煖密酒西風惜鶴寒散漫不容梨艷去輕明應  
笑玉華乾和來瓊什雖無敵且是儂家比興殘

春雪

南國春寒朔氣迴霏霏還阻百花開全移煖律何  
方去似悞新鶯昨日來平野旋銷難蔽草遠林高  
綴却遮梅不知金勒誰家子只待晴明賞帝臺

春水

萬派爭流雨過時  
晚來春靜更逶迤  
輕鷗散遶夫差國  
遠樹微分夏禹祠  
青岸漸平濡柳帶  
舊溪應煖負蓴絲  
風鬟倚檝誰家子  
愁看鴛鴦望所之

鍾山寺避暑勉二三子

樓臺雖少景何深  
滿地青苔勝布金  
松影晚留僧共坐  
水聲閒與客同尋  
清涼會擬歸蓮社  
沈湎終須棄竹林  
長愛寄吟經案上  
石窓秋霽向千岑  
歲暮晚泊望廬山  
不見因懷岳僧呈察判

貪程只爲看廬阜  
及到停舟恨頗濃  
雲暗半空藏

萬仞雪迷雙瀑在中峰林端莫辨曾遊路鳥際微  
聞向暮鐘長愧昔年招我入共尋香社見芙蓉

和致仕沈郎中

欲謀休退尚因循且向東溪種白蘋謬應星辰居  
四輔終期冠褐作閒人城中隔日趨朝懶楚外千  
峰入夢頻殘照晚庭沈醉醒靜吟斜倚老松身

寺居陸處士相訪感懷却寄二三友人

湘寺閒居亦半年就中昨夜好潸然人歸遠岫踈  
鐘後雪打高杉古屋前投足正逢他國亂冥心未  
解祖師禪爐煙回冷孤燈下唯有寒吟到曙天

中春寫懷寄沈彬員外

省從騎竹學謳吟，便帶光陰役此心。  
寓目不能閒一日，閉門長勝得千金。  
窓懸夜雨殘燈在，庭掩春風落絮深。  
唯有故人同此典，近來何事懶相尋。

醉中詠梅花

十月清霜尚未寒，雪英重疊已如搏。  
還悲獨詠東園裏，老作南州刺史看。  
北客見皆驚節氣，郡僚癡欲望盃盤。  
交親罕至長安遠，一醉如泥豈自歡。

梅花寄所親

一氣才新物未知，每慙青律與先吹。  
雪霜迷素猶

嫌早桃杏雖紅且後時雲鬢自粘飄處粉玉鞭誰  
指出墻枝老夫多病無風味只向樽前詠舊詩

晚春送牡丹

携觴邀客遶朱欄腸斷殘春送牡丹風雨數來留  
不得離披將謝忍重看氛氲蘭麝香初減零落雲  
霞色漸乾借問少年能幾許不須推酒厭盃盤

殘牡丹

腸斷題詩如執別芳茵愁更繞欄鋪風飄金蕊看  
全落露滴檀英又暫蘇失意婕妤粧漸薄背身妃  
子病難扶迴看池館春春也又是迢迢看畫圖

薔薇二首

萬藥爭開照檻光  
詩家何物可相方  
錦江風撼雲霞碎  
仙子衣飄黼黻香  
裊露早英濃  
壓架背人狂  
蔓暗穿墻綵  
箋蠻榼旬休日  
欲召親賓看一場  
拂簷拖地對前墀  
蝶影蜂聲爛熳時  
萬倍馨香勝玉藥  
一生顏色笑西施  
忘歸醉客臨高架  
恃寵佳人索好枝  
將並舞腰誰得及  
惹衣傷手盡從伊

重臺蓮

斜倚秋風絕比倫  
千英和露染難勻  
自爲祥瑞生南國  
誰把丹青寄北人  
明月幾宵同綠水  
牡丹無

路出紅塵憐伊不筭多時立贏得馨香暗上身

落花

惜花無計又花殘獨遶芳叢不忍看煖艷動隨鶯  
翅落冷香愁雜燕泥乾綠珠倚檻覓初散巫峽歸  
雲夢又闌忍把一樽重命樂送春招客亦何歡

惜花

淡淡西園日又垂一樽何忍負芳枝莫言風雨長  
相促直是晴明得幾時心破只愁鶯踐落眼穿唯  
怕客來遲年年使我成狂叟腸斷紅箋幾首詩

蝶

粉蝶翩翩若有期  
南園長是到春歸  
閒依柳帶參差起  
困傍桃花獨自飛  
潛被燕鶯還散亂  
偶因人逐入簾幃  
晚來欲雨東風急  
迴看池塘影漸稀

五言絕句

荅湯學士

南唐近事建勳拜司空致仕賜鍾山公號詔授司徒不起學士湯悅

致書賀之荅曰

司空猶不作那敢作司徒  
幸有山翁號如何不見呼

七言絕句

宮詞



唐詩集  
宮門長閉舞衣閒  
略識君王鬢便斑  
却羨落花春  
不管御溝流  
得到人間

春詞

日高閒步下堂堦  
細草春莎沒繡鞋  
折得玫瑰花  
一朵憑君簪  
向鳳凰釵

獨夜作

佳人一去無消息  
夢覺香殘愁復入  
空庭悄悄月  
如霜  
獨倚欄干伴花立

清明日

他皆携酒尋芳去  
我獨關門好靜眠  
唯有楊花似

戊籤餘十六

唐音統籤卷

七百六十五

沈彬字子文高安人唐末應進士不第浪跡湖湘  
隱雲陽山好神仙喜賦詩句法清美嘗與僧虛中  
齊已爲詩侶吳烈祖辟授秘書郎未幾乞罷以吏  
部郎中致仕年八十餘元宗以舊恩召見賜粟帛

官其子詩一卷

雅言雜載云彬天才狂逸少孤西遊以三舉爲約嘗夢着錦綵衣貼

月而飛識者言雖名播天下身不入月終不及第又云彬乾符中值駕赴三峯四方多事南游湖湘及嶺表二十餘年晁氏讀書志云彬有與韋莊杜光庭貫休偕和詩疑又嘗避亂入蜀也南唐書本傳云彬學方外之術嘗手植一樹命諸子爲藥地及卒伐樹掘地至丈餘得一石棹製作精麗光潔可鑑蓋上有篆云開成二年壽棹舉棺就之廣

哀中度云

唐志無集宋志有間居集十卷然

唐志無集宋志有間居集十卷然

卷七百六十五

今書以爲簡編散失不得  
見其全集則失傳久矣

入塞二首

欲爲皇王服遠戎萬人金甲鼓鼙中陣雲黯塞三  
邊黑兵血愁天一片紅半夜翻營旗攪月深秋防  
戍劍磨風謗書未及明君葬臥骨將軍已殺功

苦戰沙門臥箭痕

一作年少辭  
鄉事冠軍

戍樓間上望星文

生希國澤分偏將

一作生希沙  
漠擒驕虜

死奪河源答聖君

鳶覲敗兵眠白血

一作

草馬驚邊

一作

鬼哭陰

一作

雲功多地遠無人紀漢閣笙歌日又曛

塞下三首

塞葉聲悲秋欲霜寒山數點下牛羊映霞旅鴈隨  
踈雨向積行人帶夕陽邊騎不來沙路失國恩深  
後海城荒胡兒向化新成長猶自千回問漢王  
貴主和親殺氣沉燕山閒獵鼓聲音旗分雪草偷  
邊馬箭入寒雲落寒禽隴月盡牽鄉思動戰衣誰  
寄淚痕深金釵謾作封侯別劈破佳人萬里心  
月冷榆關過鴈行將軍寒笛老思鄉貳師骨恨千  
夫壯李廣竄飛一劍長戍角就沙催落日陰雲分  
積護飛霜誰知漢武輕中國閒奪天山草木荒

秋日

秋含砧杵擣斜陽笛引西風顛氣涼薜荔惹烟籠  
蟋蟀菱荷翻雨溼鴛鴦當年酒賤何妨醉今日時  
難不易狂腸斷舊遊從一別潘安惆悵滿頭霜

金陵雜題二首

王氣生秦四百年晉元東渡浪花船正慙海內皆  
塗地來保江南一片天古樹着行臨遠岸暮山相  
亞出微煙千征萬戰英雄盡落日牛羊食野田  
暮潮聲落草光沉賈客來帆宿岸陰一笛月明何  
處酒滿城秋色幾家砧時清曾惡桓温盛山翠長  
牽謝傅心今日到來何物在碧煙和雨鎖寒林

麻姑山

紺殿松蘿太古山，仙人曾此話桑田。  
閒傾雲液十分日，已過浮生一萬年。  
花洞路中逢鶴信，水簾巖底見龍眠。  
我來遊禮酬心願，欲共怡神契自然。

題蘇仙山

撫遺云：郴州城東有山高秀，神  
仙蘇耽修真之所，名蘇仙山。

眼穿林罅見郴州，井里交連側局楸。  
味道不來閒處坐，勞生更欲幾時休。  
蘇仙宅古煙霞老，義帝墳荒草木愁。  
千古是非無處問，夕陽西去水東流。

洪州解至長安初，舉納省卷夢仙謠。

闕

玉殿大開從

客入金桃爛熟没人偷鳳驚寶扇頻翻翅龍懼

一作

候

金鞭不一作忽

轉頭關

### 第二舉憶仙謠

白榆風颺九天秋王母朝迴宴玉樓日月漸長雙  
鳳睡桑田欲變六鷺愁雲翻簫管相隨去星觸旌  
幢各自流詩酒近來狂不得騎龍却憶上清遊

### 第三舉納省卷贈爲首劉象

雅言雜載象孤  
寒三十舉無成

主司覽彬詩其  
年特放象及第

曾應大中天子舉四朝風月鬢蕭疎不隨世祖

携劍却爲文皇再讀書十載戰塵銷舊業滿城春

雨壤貧居一枝何事於君借仙桂年年幸有餘文皇

謂太宗世祖謂昭宗以光武中興比之也

贈王定保

郡閣雅談云王定保光化中及第

保南遊湖湘無北歸意吳女假緇服自長安來謂白於馬武穆王令引見于佛寺吳

隔簾謂之曰先侍郎重先輩各行俾妾侍箕箒侍郎沒慮先輩改適是以不遠千里

來明侍郎之志定保不勝慙赧致書武穆乞爲婿吳確乎不拔定保爲盟畢世不婚

吳歸吳中外家定保後依南漢官至卿

仙桂曾攀第一枝薄遊湘水阻佳期臯橋已失齊

眉願蕭寺行逢落髮師廢苑露寒蘭寂寞丹山雲



斷鳳參差聞公已有平生約謝絕女蘿依兔絲

結客少年場行

重義輕生一劍知白虹貫日報讐歸片心惆悵清  
平世酒市無人問布衣

陽朔碧蓮峰

陶潛彭澤五株柳潘岳河陽一縣花兩處爭如陽

朔好

一作縣

碧蓮峰裏住人家

再過金陵

馬令書云彬工詩未嘗喜名如再過金陵及都門送客二詩尤盛稱

于士大夫

玉樹歌終王氣收鴈行高送石城秋江山不管興

亡事一任夕陽伴客愁

都門送別

岸柳蕭疎野荻秋  
都門行客莫回頭  
一條灞水清如劍  
不爲離人割斷愁

弔邊人

殺聲沈後野風悲  
漢月高時望不歸  
白骨已枯沙上草  
家人猶自寄寒衣

句

尺素隱清輝一毫分險阻

馬令書云彬知烈祖欲取吳國獻畫山水圖賦

此

金翅動身摩日月  
銀河轉浪洗乾坤

獻馬殷頌德

五代史補彬游長沙投獻殷覽而壯之欲辟幕府以有足疾止

須知手筆安排

定不怕山河整頓難

南部新書云李昇移鎮金陵旁羅隱逸彬赴辟知其欲取

楊氏因獻山水圖詩云云昇覽之而喜

九衢冠蓋暗爭路四海干

戈多異心

紀事

地隈一水巡城轉天約羣山附郭

來

題法華寺

零陵總記云寺在永州東南一里高阜之上城郭崗巒交相掩映

數家

魚網踈雲外一岸殘陽細雨中

湘江行

松欹晚影

離壇草鍾撼秋聲入殿風

郡閣雅談云與潘天錫同題古觀

壓

低吳楚遙涵水約破雲霞獨倚天

望廬山野客叢談

半

身落日離秦樹一路平蕪入楚煙

以下錦繡萬花谷

青

占月中三峽水麗偷雲外十洲春

幽鳥喚人穿

竹去野猿尋果出雲來

卷終

戊籤餘十七

至二十  
三同卷

唐音統籤卷

七百六  
十六

沈顛字可鑄吳郡人天復初第進士授校書郎避  
地湖南辟巡官入吳仕至翰林學士知制誥順義  
中卒性閒淡善琴奕爲文敏速人稱爲下水船著  
繫書自比孟子存詩二篇

宋志有陵陽  
集五卷亡

題縣令范傳真化洽亭

前有淺山屹然如屏後有卑嶺繚然如城跨池左  
右足以建亭斯亭何名化洽而成

書懷寄友人

江湖勞適尋祇自長愁襟到處慵開口何人可話

心登樓得句遠望月抒情深却憶山齋後儀聲相  
伴吟

戊籤餘十八

高越字仲遠幽州人初以詞賦名北土奔吳授秘書郎烈祖受禪遷祠部員外元宗嗣位累中書舍人後主時終勤政殿學士戶部侍郎越清警有才思與江文蔚齊名江表謂之江高云今存詩一篇

志失

著錄

詠鷹

馬令書越傳云越歸南唐初投鄂帥張宣父不見知以鷹詩請之庶餘錄云鄂

帥李簡傳越殊禮將妻以女越竊諭其意賦鷹詩一絕書于壁不告而去按越初

在後唐爲安州節度使盧文進掌書記文  
進仲女有才色能屬文號女學士以妻越  
文進奔吳因與俱南事亦載馬令書  
及陸游書甚悉不知何以互異乃爾

雪爪星眸世所稀  
摩天專待振毛衣  
虞人莫謾張

羅網未肯平原淺草飛

一作晴空不礙摩天  
翻未肯平原淺草飛

戊籤餘十九

孫魴字伯魚南昌人少聰敏好學從鄭都官爲詩

頗得鄭體吳武王初文士駢集又與沈彬李建勳

結詩社後烈祖召授宗正郎卒集三卷

唐志無宋志有一云

五今存詩七篇

紀事魴父畫工王徹爲中書舍人  
草魴誥詞云李陵橋上不吟取次

之詩頗凱筆頭豈盡尋  
常之物魴終身恨之

甘露寺

寒暄皆有景孤絕畫難形地拱千尋嶮天垂四面  
青晝燈籠鴈塔夜磬徹漁汀最愛僧房好波光滿  
戶庭

題金山寺

馬令書云金山寺題詠衆舉張祐  
句欲和闕筆鮑吟云云時號絕唱

萬古波心寺金山名目新天多剩得月地少不生

塵過櫺妨僧定驚濤濺佛身誰言張處士題後更

無人

前四句一作山戴江心寺魚龍是四鄰樓臺  
懸倒影鐘磬隔羣塵末二句一作誰言題詠

處流響  
更無人

楊柳枝詞五首



靈和風暖太昌春舞線搖絲向昔人何似曉來江  
雨後一行如畫隔遙津

彭澤初栽五樹時只應閒看一枝垂不知天意風  
流處要與佳人學畫眉

暖傍離亭靜拂橋人流穿檻綠陰搖不知落日誰  
相送竟斷千條與萬條

春來綠樹遍天涯未見垂楊未可誇晴日萬株煙  
一陣閒坊兼是莫愁家

十首當年有舊詞唱青歌翠幾無遺未曾得向行  
人道不謂離情莫折伊

句

遊子未歸去 野花愁破心

春日途中吟窓雜錄

劃多灰漸

冷坐久 席成痕

江南野錄

結字孤峰上 安禪巨浪間

分開朝海浪 留住過江雲

以上並金山寺

劃多灰雜蒼

虬跡坐久 煙消寶鴨香

夜坐南唐書本傳云沈彬好評詩與李建勳私議

鮪詩曰此非有風雅製度但得人閒煙火氣多爾

鮪遠出讓彬彬曰子夜坐句云云非爐上作而何

闌坐大笑

戊籤餘二十

韓熙載字叔言北海人後唐同光中登進士第遭家難南奔江淮李昇建國用爲秘書郎使與其子

環遊環嗣位爲虞部員外史館修撰知制誥後主  
時終中書侍郎熙載才氣逸發多藝能善談笑爲  
當時風流之冠然性放蕩第宅華侈縱妓妾與客

雜處多不拘名檢云集五卷今存詩四篇

馬令云南唐累

世好儒得人爲盛如韓熙載之不羈江文蔚之高才徐鍇之典贍高越之華藻潘佑之清逸皆擅價

一時其餘不可勝數故曰江左

三十年間文物有元和之風

感懷詩二章

奉使中原署館壁

僕本江北人今作江南客再去江北遊舉目無相  
識金風吹我寒秋月爲誰白不如歸去來江南有

人憶

未到故鄉時將爲故鄉好及至親得歸爭如身不  
到目前相識無一人出入空傷我懷抱風雨蕭蕭  
旅館秋歸來窓下和衣倒夢中忽到江南路尋得  
花邊舊居處桃臉蛾眉笑出門爭向前頭擁將去  
溧水無相寺贈僧

無相景幽遠山屏四面開憑師領鶴去待我挂冠  
來藥爲依時採松宜繞舍栽林泉自多興不是效  
劉雷

書歌妓泥金帶

馬令南唐書本傳云熙載才高無所卑屈初嚴續請熙載

撰其父可求神道碑欲丐稱譽遺珍貨巨萬仍輟未勝衣歌妓姿色纖妙者歸焉熙

載受之文解成但叙其譜齋品秩而已續  
懽之封還熙載熙載亦却其贈上寫一闕  
于泥金

帶云

風柳搖搖無定枝陽臺雲雨夢中歸他年蓬島音  
塵斷留取樽前舊舞衣

句

幾人平地上看我半天中

登樓吟窓雜錄

戊籤餘二十一

左僊南唐人不仕居于金陵能詩韓熙載嘗稱之

年二十四卒有鍾山集一卷

唐志無宋志有

今存詩十篇

僊之死也王操哭之曰堂親垂白日稚子欲行時操同時人人宋者

身等死後

卷七百六十六

五

七

寄廬山白上人

潦倒門前客閒眠歲又殘連天數峰雪終日與誰  
看萬丈高松古千尋落水寒仍聞有新作懶寄入  
長安

寄韓侍郎

謀身誠慮而無成拙計深慙負耦耕漸老可堪懷  
數日好無物也厭浮生言詩幸偶明公許守朴甘  
轉遺恨者難今日况聞搜草澤獨悲憔悴臥昇平見  
詩怪厭浮生落感歎  
不喜途片與病卒

漢宮詞

寒燭照清夜笙歌隔薜牆  
一從飛燕入便不見君王

送君去

關河月未曉行子心已急  
佳人無一言獨背殘燈泣

秋晚野望

倚筇聊一望何處是秦川  
草色初晴路鴻聲欲暮天

郊原晚望懷李秘書

歸鳥入平野寒雲在遠村  
徒令睇望久不復見君王

孫

言懷別同志

漸老將誰託勞生每自慙  
何當重携手風雨滿江  
南

江上晚泊

寒雲淡淡天無際  
片帆落處沙鷗起  
水濶風高日  
復斜扁舟獨宿蘆花裏

寄鑒上人

一從携手阻戈鋌  
屈指如今已十年  
長記二林同  
宿夜竹齋聽雨共忘眠



送人

一莖兩莖華髮生  
千枝萬枝梨花白  
春色江南獨未歸  
今朝又送還鄉客

句

胡笳聞欲死  
漢月望還生

昭君怨

日華離碧海雲

影散青霄

日

戊籤餘二十二

潘佑幽州人  
狷介高潔  
文章贍逸  
尤敏於議論  
元宗授秘書正字  
直崇文館後主擢虞部員外郎  
史館修撰知制誥  
內史舍人以上疏忤旨  
自剄死有

榮陽集十卷

唐宋二志無文獻經籍考有陸游南唐書曰佑之死也處士劉洞賦詩

弔之國人傳誦爲泣下宋南伐詔數後生殺忠臣蓋謂佑也

今存詩四篇

七歲吟

馬令南唐書曰佑母方娠夢古衣冠人告曰我顏延之也與夫人爲子及生七歲始能語曰兒悞傷白龍爲上帝所罰也因吟詩云云後果以三十六歲死

朝遊滄海東暮歸何太速  
祗因騎折白龍腰  
謫向人間三十六

送許處士堅往茅山

天壇雲似雪玉洞水如琴  
白雲與流水千載清人心  
君攜布囊去路長風滿林  
一入華陽洞千秋那可尋

送人往宣城

江畔送行人，千山生暮氛。  
謝安團扇上，爲畫敬亭雲。

失題

見野客叢談

誰家舊宅春無主，深院簾垂杏花雨。  
香飛綠瑣人未歸，巢燕承塵默無語。

句

勸君此醉直須歡，明朝又是花狼籍。

亦見叢談

戊籤餘二十三

馮延巳字正中，廣陵人。元宗藩邸舊僚，自翰林學

士進中書侍郎拜相江南喪師割地皆其所謀工

詩及樂府詞雖貴且老不廢有陽春集一卷

宋志今入

辛籤填詞  
內詩七

句

青樓阿監應相笑書記登壇又却回

詩史述已作  
相以江文蔚

論苑出鎮撫州秩滿還朝  
赴內宴進詩云云俄復相

戊籤餘二十四

至二十  
六同卷

唐音統籤卷

七百六  
十七

熊皎初學詩于陳沆自稱九華山人有南金集二  
卷今存詩四篇

冬日原居酬光上人見訪

吾道喪已久吾師何此來門無塵事閉卷有國風  
開野迥霜先白庭荒葉自堆寒暄吟罷後猶喜話  
天台

早梅

江南近臘時已亞雪中枝一夜欲開盡百花猶未

知陳沆賞之云太妃  
容德於是乎在人情皆共惜天意欲教遲莫

唐音統籤

卷七百六十七

戊

訝無濃艷芳筵正好吹

懷三茅道友

塵事何年解客嘲十年容易到三茅  
長思碧洞雲窓下曾借黃庭雪  
夜抄丹桂有心憑至論五峰無  
信問深交杏壇仙侶應相笑  
只爲浮名未肯拋

贈胥尊師

綠髮童顏羽服輕天台王屋幾經行  
雲程去速因風起酒債還遲待藥成  
房閉十洲煙浪濶籙開三洞鬼神驚  
他年華表重歸日却恐桑田已變更

句

山前猶見月陌上未逢人

早行以下見雅言雜載

果熟秋

先落禽寒夜未棲

山居

深逢野草皆爲藥靜見樵

人恐是仙

厭聽啼鳥夢醒後慵掃落花春盡時

廢土有人耕不畏古廳無訟醉何妨

見事文類聚

戊籤餘二十五

江爲宋州人避亂家建陽遊廬山師處士陳貺爲

詩有風人體求舉金陵以性傲無薦引者居懷憤

憤欲東走吳越爲同謀者所告伏法集一卷

唐宋志無

通考陳氏書錄有馬令陸游兩書並載爲傳其畧如此五代史補又云被王氏誅爲異詳後詩注

藝苑雌黃云今建陽縣七里有靖安寺卽爲故居留題者甚衆

今存詩八篇

唐音統籤

卷七百六十七

戊

旅懷

以下二首宋文鑑誤收

迢迢江漢路秋色又堪驚  
半夜聞鴻雁多年別弟兄  
高風雲影斷微雨菊花明  
欲寄東歸信徘徊無限情

江行

越信隔年稀孤舟幾夢歸  
月寒花露重江晚水煙微  
峰直帆相望沙空鳥自飛  
何時洞庭上春雨滿蓑衣

登潤州城

天末江城晚登臨客望迷  
春潮平島嶼殘雨隔虹



霓鳥與孤帆遠煙和獨樹低鄉山何處是目斷廣陵西

岳陽樓

倚樓高望極展轉念前途晚葉紅殘楚秋江碧入吳雲中來鴈急天末去帆孤明月誰同我悠悠上帝都

送客

明月孤舟遠吟髭鑷更華天形圍澤國秋色露人家水館螢交影霜洲橘委花何當尋舊隱泉石好生涯

臨刑詩

五代史補爲在福州有故人欲投江南爲與草表事發并誅臨刑詞色不

撓曰嵇康將死顧日影彈琴吾今琴則不暇賦一詩可矣

街鼓侵人急西傾日欲斜黃泉無旅店今夜宿誰家

塞下曲

萬里黃雲凍不飛積煙烽火夜深微胡兒移帳寒  
笳絕雪路時聞探馬歸

隋堤柳

爲此詩盛傳于時

錦纜龍舟萬里來醉鄉繁盛忽塵埃空餘兩岸千  
株柳雨葉風花作恨媒

句

吟登蕭寺旃檀閣醉倚王家玳瑁筵

馬令書云爲題此詩于白

鹿寺元宗南遷過而愛之由是愈自負藝苑離貴云爲少游江南有詩云云後主見之曰此人太是富貴家

遠遠朝宗出白雲方圓隨處性長存

水

互異  
吟恣  
雜錄

戊籤餘二十六

成彥雄字文幹南唐進士詩一卷

唐志有宋志有梅嶺集五卷

見公武讀書志云  
一卷徐鉉爲之序

杜鵑花

杜鵑花與鳥怨艷兩何賒疑是口中血滴成枝上

花一聲寒食夜數朶野僧家謝豹出不出日遲遲

又斜

夜夜曲

自從君去夜錦幌孤蘭麝欹枕對銀缸秦箏綠窓  
下

村行

暖暖村煙暮牧童出深塢騎牛不顧人吹笛尋山  
去

江上楓

江楓自蒼鬱不競松筠力一葉落漁家斜陽帶秋

色

柳枝詞九首

輕籠小徑近誰家  
玉馬追風翠影斜  
愛把長條惱公子  
惹他頭上海棠花

鵝黃剪出小花鈿  
綴上芳枝色轉鮮  
飲散無人收拾得  
月明塔下伴鞦韆

東君愛惜與先春  
草澤無人處也新  
委囑露華并細雨  
莫教遲日惹風塵

勾踐初迎西子年  
琉璃爲帚掃溪煙  
至今不改當時色  
留與王孫繫酒船

月二系金  
綠楊移傍小亭栽，便擁穠煙撥不開。誰把金刀爲  
刪掠，放教明月入窻來。

遠接關河高接雲，雨餘西出半天津。牡丹不用相  
輕薄，自有清陰覆得人。

掩映鶯花媚有餘，風流才調比應無。朝朝奉御臨  
池上，不羨青松拜大夫。

王孫宴罷曲江池，折取春光伴醉歸。怪得美人爭  
鬪乞，要他穠翠染羅衣。

殘照林梢裊數枝，能招醉客上金堤。馬騎如練纓  
如火，瑟瑟陰中步步嘶。

寒夜吟

洞房脉脉寒宵永  
燭影香消金鳳冷  
獨兒睡魔喚  
不醒滿窓撲落銀蟾影

除夜

銅龍看却送春來  
莫惜顛狂酒百盃  
吟鬢就中專  
擬白那堪更被二更催

元日

戴星先捧祝堯觴  
鏡裏堪驚兩鬢霜  
好是燈前嬾  
失笑屠蘇應不得先嘗

暮春日宴溪亭

寒食尋芳遊不足  
溪亭還醉綠楊煙  
誰家花落臨流樹  
數片殘紅到檻前

會友不至

王孫還是負佳期  
玉馬追遊日漸西  
獨上郊原人不見  
鷓鴣飛過落花溪

遊紫陽宮

古殿煙霞簇畫屏  
直疑踪跡到蓬瀛  
碧桃滿地眠花鹿  
深院松窓擣藥聲

煎茶

岳寺春深睡起時  
虎跑泉畔思遲遲  
蜀茶情箇雲



僧瓌自拾枯松三四枝

中秋月

王母粧成鏡未收  
倚欄人在水精樓  
笙歌莫占清光盡  
留與溪翁一釣舟

露

銀河昨夜降醍醐  
洒遍坤維萬象蘇  
疑是鮫人曾泣處  
滿池荷葉捧真珠

曉

列宿回元朝北極  
爽神晞露滴樓臺  
佳人卷箔臨階砌  
笑指庭花昨夜開

夕

臺榭沈沈禁漏初，麝煙紅蠟透蝦鬚。  
雕籠鸚鵡將棲宿，不許鴉鬟轉轆轤。

松

大夫名價古今聞，盤屈孤貞更出羣。  
將謂嶺頭閑得了，夕陽猶挂數枝雲。

惜花

忘餐爲戀滿枝紅，錦帳瑣移護晚風。  
客散酒酣歸未得，欄邊獨立月明中。

新燕

纔離海島宿江濱  
應夢笙歌作近鄰  
減省雕梁並  
頭語畫堂中有未歸人

句

莎草放茵深護砌  
海榴噴火巧橫牆  
紋鱗引子跳  
銀海紫燕呼雛語  
畫梁

吟窓雜錄

戊籤餘二十七

唐音統籤卷

七百六十八

伍喬廬江人遊廬山國學詩調寒苦有瘦童羸馬

之歎元宗朝擢第官至考功員外郎卒詩一卷

各志

無雲間朱氏百家唐詩有集一卷蓋宋人所輯也南唐書云喬應舉金陵故事中選者主司徒升堂置酒時有宋貞觀張洎主司揖就坐酒數行矣喬始上卷主司嘆其傑作沈喬居賓席榜出喬果爲首元宗命勒其文以爲式後主圍城中嘗放進上榜典試者喬也

冬日道中

去去天涯無定期瘦童羸馬共依依暮煙江口客  
來絕寒葉嶺前人徃稀帶雪野風吹旅思入雲山  
火照行衣釣臺吟閣滄洲在應爲初心未得歸

宿濤山

一入仙山萬慮寬  
夜深寧厭倚虛欄  
鶴和雲影宿  
高木人帶月光登  
古壇芝朮露濃溪塢白  
薜蘿風  
懸殿廊寒更陪羽客論  
真理不覺初鐘叩曉殘

遊西山龍泉禪院

巖巖層峰坐可觀  
枕門流水更潺湲  
曉鐘聲徹洞  
深遠夏木影籠軒  
檻寒幽徑乍尋衣  
屨潤古堂頻  
宿夢寬安因嗟城郭營營事  
不得長游空鬢殘

遊西禪

遠岫當軒列翠光  
高僧一衲萬緣忘  
碧松影裏地

長澗白藕花中水亦香雲自雨前生淨石鶴於鐘  
後宿塵廊遊人戀此吟終日盛暑樓臺早有涼

題西林寺水閣

竹翠苔花遶檻濃此亭幽致詎曾逢水分林下清  
冷派山峙雲間峭峻峰惟石夜光寒射燭老杉秋  
韻冷和鐘不知來往留題客誰約重尋蓮社蹤

晚秋同何秀才溪上

閒步秋光思杳然荷藜因共過林煙期收野藥尋  
幽路欲採溪菱上小船雲吐晚陰藏霽岫柳含餘  
靄咽殘蟬倒尊盡日忘歸處山磬數聲敲暝天

林居喜崔三傅遠至

幾日區區在遠程晚煙林徑喜相迎  
姿容雖有塵中色巾屨猶多嶽上清  
野石靜排爲坐榻溪茶深煮當飛觥  
留連話與方經宿又欲携書別我行

僻居謝何明府見訪

公退琴堂動逸懷閒披煙靄訪微才  
馬嘶窮巷蛙聲息轍到衡門草色開  
風引柳花當坐起日將林影入庭來  
滿齋塵土一床蘚多謝從容水飯迴

聞杜牧赴闕

舊隱匡廬一草堂今聞携策謁吾皇  
峽雲難卷從

龍勢古劍終騰出土

一作獄

光開翅定期歸碧落濯

纓寧肯問滄浪他時得意交知仰莫忘裁詩寄釣鄉

僻居酬友人

僻居惟愛近林泉幽徑閒園任藪連向竹掩扉隨  
鶴息就溪安石學僧禪古琴帶月音聲正山果經  
霜氣味全多謝故交憐朴野隔雲時復寄佳篇

龍潭張道者

碧洞幽巖獨息心時人何路得相尋養生不說憑  
諸藥適意惟聞在一琴石徑掃稀山藓合竹軒開



晚野雲深他年功就期飛去應笑吾徒多苦吟

寄張學士洎

詩史云喬與洎同年友善洎爲翰林學士喬爲歙州判官作詩

寄之戒去僕曰候其遊宴時投之一日洎與僚友近郊會宴歡甚僕投之得詩動客

久之爲言于上召喬還爲考功員外郎

不知何處好消憂公退携壺卽上樓職事久叅侯  
伯幕夢魂長遶帝王州黃山向晚盈軒翠黠水當  
春遶檻流遙想玉堂多暇日花時誰伴出城遊

寄落星史虛白處士

白雲峰下古溪頭曾與提壺爛熳遊登閣共看彭  
蠡浪圍爐同憶杜陵秋碁玄不厭通宵筭句妙多

客隔歲酬別後相思時一望暮山空碧水空流

寄史處士

長羨閒居一水湄吟情高古有誰知石樓待月橫  
琴久漁浦經風下釣遲幽圃落花多掩逕舊山殘  
燒幾侵籬松門別後無消息早晚重爲清夜期

僻居秋思寄故友

門巷秋歸更寂寥雨餘閒砌委蘭苗夢迴夜月蟲  
吟壁病起茅齋藥滿瓢澤國舊游聞遠思竹林前  
會負佳招身名未立猶辛苦何許流年晚鬢焦

九江旅夜寄山中故友

弱柳風高遠漏沉坐來難便息愁吟江城雪盡寒  
猶在客舍燈孤夜正深塵土積年粘旅服關山無  
處寄歸心此時遙羨閒眠侶靜掩雲扉向一林

送江少府授延陵後寄

五老雲中勤學者遇時能不困風塵東書西上謁  
明主捧檄南歸慰老親別館友朋留醉久去程煙  
月入吟新莫因官小慵之任自古鸞樓有異人

廬山書堂送祝秀才還鄉

東書辭我下重巖相送同臨楚岸邊歸思幾隨千  
里水離情空寄一枝蟬園林到日酒初熟庭戶開

時月正圓莫使蹉跎戀踈野男兒酬志在當年

暮冬送何秀才毗陵

疋馬嘶風去思長素琴孤劍稱戎裝路途多是過  
殘歲盃酒無辭到醉鄉雲傍水村凝冷片雪連山  
驛積寒光毗陵城下饒嘉景近日新詩應滿堂

觀華夷圖

別手應難及此精須知攢簇自心靈始於毫末分  
諸國漸見圖中列四溟關路欲伸通楚勢蜀山俄  
聳入秦青筆端盡現寰區事堪把長懸在戶庭

觀山水障子

功績精妍世少倫  
圖時應倍用心神  
不知草木承何異  
但見江山長帶春  
雲勢似離巖底石  
浪花如動岸邊蘋  
更疑獨泛漁舟者  
便是其中舊隱人

句

積靄沉諸窟  
微陽在半峰

省試霽後望鍾山  
岳云爲知舉韓熙載所

賞

戊籤餘二十八

唐音統籤卷

七百六十九

陳陶字嵩伯嶺南人

通考及品彙云鄱陽人馬令陸務觀南唐書並云嶺南也

大中時遊學長安善天文曆數其歌詩嘗負神仙之術或露王霸之說晚于南唐不合隱洪州西山種柑橙令山童賣之自給妻子亦知讀書自號三教布衣以修鍊爲事後不知所終詩十卷

唐宋志同今

編爲四卷

南唐書云保大末星亭于參陶語人曰國幾亡乎果失淮南元宗南遷至落星

灣陰使人問之陶言星落不還已而果晏駕開寶中南昌市有一老翁丫結與老姬賣藥得錢沽酒歌舞道上其歌曰藍采和藍采和塵世紛紛事更多何如賣藥沽美酒歸去青崖拍手歌或疑爲陶夫婦

云

五言古詩

懷仙吟二首

丹陵五牙

一作霞

容昨日羅浮歸赤斧尋不得煙霞

空滿衣試於華陽問果遇三茅知採藥向十洲同行牧羊兒十洲隔八海浩渺不可期空留雙白鶴巢在長松枝

雲溪古流水春晚桃花香憶與我師別片帆歸滄浪滄浪在何許相思淚如雨黃鶴不復來雲深別離處石渠泉泠泠三見菖蒲生日夜勞夢人隨波注東溟空懷別時惠長讀消魔經

遊子吟

棲鳥喜林曙驚蓬傷歲闌關河三尺雪何處是天  
山朔風無重衣僕馬飢且寒慘慼別妻子遲迴出  
門難男兒值休明豈是長泥蟠何者爲木偶何人  
侍金鑾鬱悒守貧賤悠悠亦無端進不圖功名退  
不處巖巒窮通在何日光景如跳丸富貴苦不早  
令人摧心肝誓期春之陽一振摩霄翰

悲哉行

中嶽仇先生遺余餌松方服之一千日肢體生異  
香步履如風旋天涯不齋糧仍云爲地仙不得朝



月二系金  
虛皇狡兎有三穴人生又何常悲哉二廉士餓死  
於首陽

避世翁

海上一簑笠終年垂釣絲滄洲有深意冠蓋何由  
知直釣不營魚蠅室無妻兒渴飲寒泉水飢食紫  
靈芝鶴髮披兩肩高懷如澄陂嘗聞仙老言云是  
古鷗夷石竇閱雷雨金潭養蛟螭乘槎上玉津騎  
鹿遊峨嵋以人爲語默與世爲雄雌茲焉乃磻溪  
豹變應須時自古隱淪客無非王者師

草木言

何生我蒼蒼何育我黃黃草木無知識幸君同三

光始自受姓名葳蕤立表

一作衣

裳山河旣分麗齊

首乳青陽甘辛各有榮好醜不相防常憂刀斧劫  
竊慕仁壽鄉願天雨無暴願地風無狂雨足因衰  
憊風多因天傷在山不爲桂徒辱君高岡在水不  
爲蓮徒占君深塘勿輕培壤阜或有竒棟梁勿輕  
蒙隴澤或有竒馨香涓毫可麓差朝菌壽爲長擁  
腫若無取大椿命爲傷婆娑不材生冉冉向秋荒  
幸遭薰風日有得皆簸揚所愧雨露恩願效幽微  
芳希君頻採擇勿使枯雪霜

塗山懷古

落拓書劍晚清秋鷹正籠塗山間來上敬愛如登  
龍覽古覺神王備然天地空東南更何有一醉先  
王風惟昔放勳世陰晦微一作成洪皇圖化魚鱉

天道漂無蹤帝乃命舟楫掇若儒素中高陳九州  
力百道驅歸東舊物復光明洪爐再挺鎔經門不  
私子足知一作天下公亮曰那並生唐虞禪華蟲

華山朝萬國一賦寰海同十載有區寓秋毫亦帝  
功垂衣不驕德子桀如何孽握髮聞禮賢葺茹見  
卑宮凡夫色難事神聖安能一作恭道隱三千年

遺芳播笙鏞當時執圭處佳氣鬱童童海嶼儼清  
廟天人盛祇供玄恩及花木升識名崆峒異代草  
澤臣何由樹勳庸堯階本曾識誰信平生忠恨不  
當際會預爲執鞭僮勞歌下山去懷德心無窮

早發始興

雲裏山已曙舟中火初熨綠浦待行橈玄猿催落  
月沿流信多美况復秋風發挂席借前期晨雞莫  
嘲啗

番禺道中作

博羅程遠近海塞愁先入瘴雨出虹蜃蠻江渡山

急常聞島夷俗犀象滿城邑鴈至草猶春潮迴檣  
半濕丹丘鳳凰隱水廟蛟龍集何處樹能言幾鄉  
珠是泣千年趙佗國霸氣委原隰齷齪笑終軍長  
纓禍先及

宿鳥徑夷山舍

百里遵鳥徑逢征信遭迴暝依漁樵宿似過

一作遇

黃金臺缺齧心未理寥寥夜猿哀山深石牀冷海  
近腥氣來主人意不淺屢獻流霞盃對月撫長劍  
愁襟紛莫開九衢平如水胡爲涉崔嵬一飯未遑  
飽鵬圖信悠哉山濤謔細君吾豈厭蓬萊明發又

驅馬客思一徘徊

蒲門戍觀海作

廓落溟漲曉蒲門鬱蒼蒼登樓禮東君旭日生扶  
桑毫釐見蓬瀛含吐金銀光草木露未晞蜃樓氣  
若藏欲遊蟠桃國慮步魑魅鄉徐市惑秦朝何人  
在巖廊惜哉千童子葬骨於渺茫恭聞槎客言東  
池接天潢卽此聘牛女曰祈長壽方靈津水清淺  
余亦慕修航

海昌望月

何處無今夕豈期在海頭賈客不愛月嬋娟入滄

洲浩然傷歲華。獨望湖邊樓。煙鳥青歷歷。藍田白  
悠悠。誰無破鏡期。繫我信虛舟。誰無桂枝念。繫我  
方摧輶。始見彎環春。又逢團圓秋。莫厭綾扇夕。百  
年多銀鈎。金盤誰雕鑄。玉窟難寫搜。重輪運時節。  
三五不自由。疑拋雲上鍋。欲摟天邊毳。嬾居應寒  
冷。擣藥青冥愁。禿子樹下蹲。蝦蟆池中游。如何名  
金波。不共水東流。天花碎臙腥。野雲無邊陬。蚌蛤  
乘大運。含珠相對酬。夜鵲思南鄉。露華清東甌。百  
寶安可覩。老龍鑿深湫。究究如情人。盜者即仇讐。  
海涯上皎潔。九門更清幽。亭亭勸金樽。夜久喘吳

牛夷俗皆輕擲北山思今遊鴈聲故鄉來客淚墮  
南州平生煙霞志讀書覓封侯四海尚白身豈無  
故鄉羞堦坎何足歎壯如水中虬獵獵谷底蘭搖  
搖波上鷗中途喪資斧兩地生繁憂一杯太陰君  
鷓鴣豈無求明日將片葉三山東南浮

和西江

一作江

李助副使早登開元寺閣

虛豁登寶閣三休極層構獨立天地間煙雲滿襟  
袖鼇荒初落日劍野呈綺繡秋檻祝融微陰軒九  
江湊拂言黃姑舍錯落白榆秀倚砌天竺祠蛟龍  
蟠古甃儵然觀六合一指齊宇宙書劍忽若青



雲日方晝南朝空蒼莽楚澤稀耕耨萬事溺頽波  
一航安可流叶徒云寄麟泣六五終難就資斧念  
徐生湖光隱圭竇早聞羣黃鶴飄舉此江岫陵谷  
廣藹然人樵已雛鷺燕宮牙冠客憑覽發清奏珠  
玉難嗣音擬轅愧孤陋

贈江西周大夫

否極生大賢九元降靈氣獨立正始風蔚然中興  
瑞淵淪照三古磊落涵涇渭真貌月懸秋雄詞雷  
出地具瞻先皇寵欲踐東華貴咫尺時不來千秋  
骨湖淚因分三輔職進領南平位報政黃霸慙

兵呂蒙醉歲星臨斗牛水國嘉祥至不獨蒼生蘇  
仍兼六騶喜恭聞廟堂畧欲斷匈奴臂剗釋自宸  
衷平戎在連帥時廢簪笏冗世梗忠良議丘壑非  
無人松香有私志三朝倚天劍十萬浮雲騎可使  
河曲清羣公信兒戲滄溟用謙德百谷走童稚禦  
衆付深人參籌須偉器他年蓬蓽賤願附鴛鸞翅

將歸鍾陵留贈南海李尚書

楚國有田舍炎州長夢歸懷恩似秋燕屢遶玉堂  
飛越酒豈不甘海魚寧無肥野裘醉歌舞事與初  
心違曄曄文昌公英靈世間稀仁江浩無際龍蜃

星言初集  
皆歸依賤子感一言草茅發光輝從來雞鳧質得  
假鳳凰威常欲討玄珠青雲報巍巍龍門竟多故  
雙淚別旂旂

旅次銅山途中先寄温州韓使君

亂山滄海曲中有橫陽道束馬過銅梁苕華坐堪  
老鳩鳴高崖裂熊鬪深樹倒絕徑無坤維重林失  
蒼昊躋攀寡儔侶扶接念與阜俛仰慄嵌空無因  
掇靈草梯窮聞戍鼓蒐續賴丘禱敞豁天地歸縈  
紆村落好悠悠思蔣徑擾擾愧商皓馳想永嘉侯  
應傷此懷抱

寄元孚道人

梵宇

一作楚寺

章句客佩蘭三十年長乘碧雲馬時策

翰林鞭囊事五岳遊金衣曳祥煙高攀桐君手左  
倚鶯鷺肩哭玉秋雨中摘星春風前橫斲截洪偃  
憑几見廣宣爾來寤華胥石壁孤雲眠龍降始得  
一作聽 偈龜老方巢蓮內殿無文僧騶虞誰能牽因  
之問楚水弔屈幾潺湲

種蘭

種蘭幽谷底四遠聞馨香春風長養深枝葉趁人  
長智水潤其根仁鋤護其芳蒿藜不生地惡鳥弓

已藏椒桂夾四隅茅茨居中央左鄰桃花塢右接  
蓮子塘一月薰手足兩月薰衣裳三月薰肌骨四  
月薰心腸幽人饑如何採蘭充餼糧幽人渴如何  
醞蘭爲酒漿地無青苗租白日如羲皇不啻仙人  
藥端坐紅霞房日夕望美人佩花正煌煌美人久  
不來佩花徒生光劉獲及葳蕤無令見雪霜清芬  
信神鬼一葉豈可忘舉頭愧青天鼓腹詠時康下  
有賢公卿上有聖明王無階答風雨願獻蘭一筐

題僧院紫竹

喜遊蛟井寺復見炎州竹杳靄萬丈間嘯風清獨

速江南正霜霰吐秀弄嶺頰似瑞驚堅貞如魔試  
金粟筭非孝子泣文異湘靈哭金碧誰與鄰蕭森  
自成族新聞赤帝種子落毛人谷遠祖賜鷦鷯遺  
芳遍南陸對煙蘇麻醜夾澗篔簹伏美譽動丹青  
瓊姿豔秦蜀因緣鹿苑識想像虵丘斲幾葉別黃  
茅何年依白足龍樹藝一花砌瑤掃雲屋色靜曼  
仙花名高給孤獨青蔥太子樹灑落觀音目法雨  
每沾濡玉毫時照燭離居鸞節變住冷金顏縮豈  
念葛陂榮幸無祖父一作辱光搖水精串影送蓮  
花軸江霧日相尋野鶡時寄宿幽香入茶竈靜翠

直碁局肯羨垣上蒿自多籬下菊從來道生一况  
伴龜藏六樓託巨星迴檀欒已雲蟲霞杯傳縹葉  
羽管吹紫玉久絕釣竿歌聊裁竹枝曲愧生黃金  
地千秋爲師綠